



**I**oannes honestis parentibus apud Germanos natus, & in omni studiorū genere feliciter educatus est. Is cum in patria rudimenta artium percipisset, literarum amore sese ad uaria doctorū gymnasia contulit, atq; linguarum notitiæ & philosophiæ diligenter incubuit. postea quoq; hisce studijs Medicinam coniunxit, atq; eam eruditionem sibi acquisiuit, ut uiris doctissimis Germaniæ conferretur. Scripsit is scholia copiosa in Therapeuti-  
cam Methodum Galeni, atq; Augustę Vindelico-  
rum 1534 edidit. Item in Galeni libros sex De locis  
affectis commentarios, præterea in librum De in-  
æquali intemperie. Cōfecit etiam Indicem copio-

sissimum simplicium Pharmacorum à Dioscoride proditorum, secundum ca-  
pita & libros ordine alphabeti. Concordantias quoq; in authores præcipuos  
Simplicium Medicamentorum. Nicolaum insuper Alexandrinum de medi-  
camētorum compositione scholijs illustrauit, atq; Hyppocratis Aphorismos  
in meliorem ordinem, iuxta literarum seriem, redegit, cum multis alijs huius-  
modi. Itaq; factum ut Ioannes ob raram eruditionem magnum sibi nomen a-  
pud Medicos compararit, atq; ingenij sui documenta cum laude ad posteros  
transmiserit. Con. Gess. in Bib.